

DELIBERACIONNAN DURANTE FIN DI SIMAN ENTORNO E COMPRA DI LAGO

ORANJESTAD (AAN)

Di bon fuente DIARIO a logra e informacion cu durante e fin di siman aki lo tin hopi conversacion y deliberacion entre representantenan di Exxon, Teritorio Insular, Gobierno Central y e intermediario di e grupo di Saudi Arabia, mas otro representante y un tal Sr. Mohamed Muslim, di Arabia Saudita.

Segun informacionnan cu a yega DIARIO, ta parce cu e grupo ta seriamente interesa den e compra di Lago, y cu ayera (Diahuebs) representantenan di Exxon a bin

Aruba, y awe lo yega e intermediario na Hulanda di e Grupo, mas otro di Belgica, y Sr. Muslim mes.

Segun tur indicacion, ta e intencion pa tene deliberacionnan e fin di siman aki cu tur esnan concerni. Di parti di Aruba lo participa e Diputadonan demisionario, mas e Consejero General di BC, y tambe e Ministranan di Gobierno Central.

Rumornan persistente ta ciruela den e sentido cu lo ta e Rey di Arabia Saudita mes lo ta interesa pa compra, via su representantenan, pero no por a haya un confirmacion oficial di esaki. Tambe cu e lo tin intencion di

regala e refineria na un di su yiunan, pero esaki tambe mester pone den e campo di rumor y no di realidad.

Realidad mes ta cu tin un grupo di Arabia Saudita cu ta seriamente interesa pa compra e refineria, y cu e grupo lo a manifesta su deseo, encaso

di compra, pa e refineria no laga un solo dia pasa sin refina. O sea, cu nan lo cumpra, si yega na un acuerdo y si nan interes culmina den un compra, cu nan lo cumpra den operacion total, manera cu e ta awor.

Segun fuentenan fidedigno di DIARIO, awe of

mañan e interesadonan lo saca un comunicado y lo participa un que otro entorno di e negociacionnan cu lo tuma lugar e fin di siman aki.

Si nan ta bay compra of no lo depende, por supuesto, di e condicionnan y di e deseo di Exxon pa bende e refineria.

PERSPECTIVANAN DI HAF DI ARUBA TA BON Y SCUR

**

GUERILLERONAN A DECAPITA 21 INDIAN NA PERU

**

TRAHADOR TEMPORAL NA WARDA DI POLIS A RESULTA DI TA LADRON

**

HOMBER CORTA CU BOTTER

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION


DIARIO

DI ARUBA

Bo Matutino
Netamente Arubiano

DIAVIERNA 4 DI JANUARI 1985 AÑA 4, No. 1220

LADRONICIA NA MATERDEI



E combinacion di foto aki ta mustra un frigidaire cu dos ceradura, un di nan ta candal cu na Huis-houdschool Materdei a ser instala pa evita ladronia. Atrobe pa di tanto biaha den e ultimo dos añanan un ladron masha mabriente a bishita e school y e biaha aki el a hasta kibra e candal y ceradura, saca cuminda, cushina, y despues di yena su stoma, bandona e school. Te ainda e homber hambriente aki no a ser haya. Relato por lesa ariba pagina 16.